

Suliffeqarnermi innersuussisarneq il.il. pillugit Inatsisartut inatsisaat pillugu Namminersorlutik Oqartussat inatsimmik nalunaarutaat

Matumuuna suliffeqarnermi innersuussisarneq il.il. pillugit Inatsisartut inatsisaat nr. 5, 8. juni 2015-meersoq, Inatsisartut inatsisaat nr. 6, 3. juni 2015-meersumi, Inatsisartut inatsisaat nr. 32, 9. december 2015-meersumi aamma Inatsisartut inatsisaat nr. 28, 9. december 2015-imeersumi allannguutit ilanngullugit, nalunaarutigineqarpoq.

Kapitali 1

Nassuaatit atuuffilu

§ 1. Suliffeqarnermi innersuussisarneq paasineqassaaq suliffeqarnermi ineriertorneq siuarsarniarlugu nuna tamakkerlugu, illuinnaasiunngitsumik akeqanngitsumillu sullissinertut, taamatuttaaq sulisartut suliamut tunngatillugu nukittorsarneqarnissaat nunamilu nuttarsinnaanerat ilanngullugit.

Imm. 2. Suliffissamik innersuussisarneq paasineqassaaq suliffissarsiortup sulisitsisullu akor-nanni suliffeqarnermi pissutsit aalajangersimasut pilersinneqarnissaat siunertaralugu attaveqaqtigissitsinertut.

Imm. 3. Suliffeqarnermi innersuussisarfiup suliassaraa inuussutissarsiatinit atorfinnillu assi-giinngitsunit tamanit suliffissarsiortunut suliffissanik innersuussisarneq aamma sulisitsisinut sulissusanik innersuussisarneq. Taamatuttaaq suliffeqarnermi innersuussisarfiup ilinniagaqarnermut tunngasuni qinnuteqartunik siunnersuineq allaffissornikkullu aqtsineq suliassarai.

Imm. 4. Inatsit sulinermut Kalaallit Nunaanni suliarineqartumut atuuppoq, tassunga ilanngullugit suliffissarsiortut Kalaallit Nunaanni suliffissarsiortut killilersimaarneqarnissaat pillugu Inatsisartut inatsisaat naapertorlugu nunatsinni sulisartutut isigineqartut.

Kommunalbestyrelsip suliassai

§ 2. Kommunalbestyrelsip suleqataalluni suliffeqarnermut tunngasutigut ingerlatsinerminnut ilanngullugu

- 1) Kommunimi suliffeqarnermi ineriertorneq malinnaavigissavaa,
- 2) Kommunimi iliuusissanik inuussutissarsiornerup ineriertortinnejcarneranut suliffissaqartitsinermillu pingaarutilinnik aallartitsisarnissamut tunngavissat pilersissavai suliniutigisassallugillu, kiisalu
- 3) Kommunimi suliffeqarneq pillugu paasissutissat katersussavai nalilorsorlugillu, paasissutissallu tamakku Naalakkersuisunut nalunaarutigisassallugit.

Imm. 2. Imm. 1, nr. 3 naapertorlugu Naalakkersuisut nalunaarutiginnittarneq pillugu erseqqinnerusunik malittarisassanik aalajangersaasinjaapput.

§ 3. Kommunalbestyrelsi pisussaavoq kommunimi suliffeqarnermi innersuussisarfissaqartitsissalluni, taamatuttaaq suliffisanik innersuussisarnermik aamma ilinniartitaanernut inuussutissarsiuutinullu ilitsersuusiarnernik aaqqissuussissalluni, §§ 5 - 9 takukkit.

Imm. 2. Kommunalbestyrelsip kommunimi suliffissaqartitsineq pillugu kisitsisitigut paasissutissat Naalakkersuisunut nalunaarutigisassavai.

Imm. 3. Naalakkersuisut kommunalbestyrelsip kisitsisitigut paasissutissanik il.il. nalunaaruteqartarnera pillugu malittarisassanik aalajangersaasinjaapput.

§ 4. Kommunalbestyrelsip sulissutigissavaa kommunimi suliffeqarnermi illuatungeriit pisortallu ingerlatsiviisa akornanni tatigeqatigiiffiusumik qanittumillu suleqatigiinnermik pilersitsisoqarnissaa, taamaalilluni sulisartut ineriertortinnejnarnerannut suliniuteqarnissamut tunngavissaqalissammat, siunissami qaninnermi ungasinnerusumilu inuussutissarsiortut pisariaqartitaannut kommunimilu inuussutissarsiutit ineriertortinnejnarnerannut periarfissanut tulluussakkani.

Imm. 2. Kommunalbestyrelsi kommunimi sulisartut piginnaasaasa nukitorsarnejarnissaannut suliffissaqartitsinermut tunngatillugu iliuusissanik aallartitsinissamut siunnersuusiussaaq.

Imm. 3. Kommunalbestyrelsi suliffissaqartitsinermut tunngatillugu aamma/imaluunniit ilinniartitaanermut tunngatillugu immikkut neqeroorutinik inuusuttunut 30-t ataallugit ukiulinnut sammisitanik aallartitsissaaq.

Inuussutissarsiutinut ilinniartitaanernullu ilitsersuisarneq kiisalu suliffisanik innersuussisarneq

§ 5. (Atorunnaarpoq)

Imm. 2. Inuussutissarsiutinut ilinniartitaanernullu ilitsersuinermut ilaapput inuussutissarsiummik ilinniartitaanermillu toqqaaniarnermi ikorsiinerit.

Imm. 3. (Atorunnaarpoq)

Imm. 4. Kommunalbestyrelsi inuussutissarsiutinut ilinniartitaanernullu ilitsersuinerup kiisalu suliffisanut innersuussisarnerup inerera pillugu Naalakkersuisunut nalunaaruteqarnissamut pisussaaffeqarpoq.

Imm. 5. (Atorunnaarpoq)

§ 6. Suliffissamik innersuussisoqartinnagu akissarsiat aamma sulinermi atorfinitstaanermilu atugassarititaasut allat pillugit paasissutissat pissarsiarineqassapput.

§ 7. Suliffissamik ataavartuusumik innersuussineq, suliffissarsiortup najukkaminit nuuttariaqarneranik nassataqartitsisoq pisinnaavoq:

- 1) nuunnissaq suliffeqarnermi suliamullu tunngatillugu pisariaqartitanik naliliineq aallaavigalugu kissaatigineqartutut isigineqarpat,
- 2) suliffissarsiortoq akuersippat,
- 3) innersuunneqartoq angallanneqarnermut pisattanillu nuussinermut aningasartutissinneqassanngippat, aamma

4) innersuunneqartoq inissaqartinneqarpat imaluunniit suliffissarsiortoq nammineerluni inissarsisimappat.

Imm. 2. Sulisartup najugaqarfigiuagaanit qimagulluni ukiup ilaatigut sulinermut imaluunniit piffissami killeqartumi sulinermut innersuussineq pisinnaavoq:

- 1) nuuneq suliffeqarnermi najukkami suliamullu tunngatillugu pisariaqartitanik naliliineq aallaavigalugu kissaatigineqartutut isigineqarpat,
- 2) suliffissarsiortoq akuersippat,
- 3) innersuunneqartoq angallanneqarnermut pisattanillu nuussinermut aningaasartuutissinneqassanngippat, aamma
- 4) najugarisami naammattunik piginnaanilinnik sulisussaqanngippat.

Imm. 3. Naalakkersuisut aningaasartuutit imm. 1, nr. 3-mi aamma imm. 2, nr. 3-mi taaneqartut matussutissaannut tapiissuteqarsinnaapput. Naalakkersuisut tamakku pillugit malittarisassanik erseqqinnerusunik aalajangersaasinnaapput.

Imm. 4. Naalakkersuisut ataasiakkaatigut naliliinikkut, imm. 1 aamma 2 malillugit suliffissamik innersuussinermut atatillugu aningaasartuutinut allanut, ilanggullugit assersuutigalugu angalanermut ineqarnermullu aningaasartuutit, atorfinitussanik oqaloqateqarnernut aamma suliffimmi misiliinernut atatillugu suliffissarsiortup akiligaanut, matussutissatut tapiissuteqarsinnaapput.

§ 8. Sulisussanik sulisitsisumut imaluunniit suliffeqarfimmut innersuussisoqarsinnaanngilaq sulisartut kattuffiannit soqutigisaqaqatigiiffimiilluunnit allamit upternarsaatit sukumiisut malillugit sulisartut suliumajunnaarneranni imaluunniit sulisitsisut mattussineranni eqqugaasumut, tamanna isumaqatigiissutinut akerliusutut nalilerneqarsimannngippat.

§ 9. Atorfimmut inuttaqanngitsumut sulisussamik naleqquttumik innersuussisoqarsinnaagaangat tamanna pillugu kommunalbestyrelsi sulisitsisumut nalunaaruteqartassaaq.

Imm. 2. Sulilernissaagaluqaq piviusunngungitsoorpat sulilernerluunniit aallartikkaluuaannaq taamaatitinneqarpat sulisitsisoq pisussaavoq tamanna pillugu kommunalbestyrelsimum piaartumik nalunaaruteqassalluni taamatullu tamatumunnga pissutaasoq nalunaarutigissallugu.

Imm. 3. Sulisitsisoq sulisussanik innersuunneqartunik itigartitsisoq angallanneqarnermut pisattallu nuunnerinut aningaasartuutigineqarsimasunik utertitsilluni akiliisussaataavoq, sulisussanik allanik sulilersineq itigartitsinermut pissutaasimappat sulisitsisorlu communalbestyrelsimum piffissaagallartillugu suliffigiligassamut angalanerup pinngitsoortinnejqarsinnaasimagaluarneranik ilisimatitsissuteqarsimannngippat.

Aalajangersakkat assigiinnngitsut

§ 10. Suliffissarsiortunik aamma suliffinnik neqeroorutinik nalunaarsuinermut aqutsinermullu Naalakkersuisut nuna tamakkerlugu suliffinnut nittartakkamik pilersitsisinnaapput.

Imm. 2. Kommunalbestyrelsip Kalaallit Nunaanni suliffinnik inuttaligassanik tamakkerlugit isiginninniarlutik suliffinnut nittartagaq atussavaa, suliffissarsiortunullu suliffit innersuussissutigissallugit.

Imm. 3. Suliffissarsiortup suliffinnut nittartakkamut CV-ni inississavaa. Suliffinnut nittartakkap atorneqarneranik communalbestyrelse ilitsersuissaq, aammalu suliffissarsiortoq nammineq

pisinnaanngippat suliffissarsiortup CV-a suliffinnut nittartakkamut inississallugu.

Imm. 4. Suliffissarsiortup suliffinnut nittartakkami CV-ni nutarsartuartassavaa.

Imm. 5. Suliffinnut nittartakkamut tamanik takussutissiisumik CV-mik inissiinissaq suliffissarsiortuusutut aamma suliffeqarfimmut piareersimasuusutut isigineqarnissamut piumasaqaataavoq.

§ 11. Naalakkersuisut kommunini sulisunik suliffeqarnermi innersuussisarnermik il.il. sulia-qartunik ukiumoortumik pikkorissartitsisassapput.

Imm. 2. Naalakkersuisut communalbestyrelsanut qinersisoqareernerani tamatigut communalbestyrelsutmilaasortanut peqqussummi matumani pineqartunik suliassaqartitaasunut pikkorissartitsisassapput.

Imm. 3. Imm. 1 aamma 2 naapertorlugit pikkorissartitsinernut aningaasartuutit Nunatta Karsianit kommuninillu akilerneqartassapput.

§ 12. (Atorunnaarpoq)

§ 13. Naalakkersuisut suliffissaaleqinerup akiorneqarnissaa kiisalu suliffeqarnermi innersuussisarnerup pisariillaavagineqarnissaa ineriertortinneqarnissaalu siunertaralugit misileraanerit pillugit malittarisassanik aalajangersaasinnaapput.

§ 14. Naalakkersuisut ukumi qaangiuttumi suliffeqarnermi suliniutaasut aamma piffissami aggersumi anguniagaasut taamatuttaaq malitseqartitsinissat aallartinneqassanersut pillugit ukiumoortumik nalunaarusiortassapput.

Naammagittaalliuuteqartarneq

§ 15. Inatsit manna malillugu communalbestyrelsip aalajangiinerinik naammagittaalliuutit sapaatit akunneri sisamat qaangiutsinnagit Naalakkersuisunut suliassangortinneqarsinnaapput.

Atuutilerfia

§ 16. Inatsisartut inatsisaat ulloq 1. juli 2014-imi atuutilissaaq.

Imm. 2. Tamatumunnga peqatigitillugu Suliffeqarnermi innersuussisarneq il.il. pillugu Inatsisartut peqqussutaat nr. 10, 18. december 2003-meersoq atorunnaarsinnejassaqq.

Imm. 3. Malittarisassiat Inatsisartut inatsisaanni taaneqartumi imm. 2-p malitsigisaanik aalajangersarneqartut ingerlaannassapput, inatsisartut inatsisaannit matuma imaluunniit allat malitsigisaannik allanngortinneqarnissanik atuukkunnaarsinnejarnissamilluunniit tungaannut.

Inatsisartut inatsisaat nr. 6 3. juni 2015-meersoq (Suliffinnut nittartakkap atorneqarnera) [1] atuutilernissaanik aalajangersakkanik makkuninnga imaqarpoq:

Inatsisartut inatsisaat 15. juli 2015-imí atuutilerpoq.

Inatsisartut inatsisaat nr. 32 9. december 2015-meersoq (Nuttarnerulersitsinissamut ikorsiissutit atorneqarnerulernissaat)[\[2\]](#) atuutilernissaanik aalajangersakkanik makkuninnga imaqarpoq:

§ 2

Inatsisartut inatsisaat atuutilerpoq 1. januar 2016.

Inatsisartut inatsisaat nr. 28. 9. december 2015-meersoq, Suliffisanut, ilitsersuisarnernut pikkorissaqqinnernullu qitiusumik ingerlatsiviit pillugit[\[3\]](#) atuutilernissaanik aalajangersakkanik makkuninnga imaqarpoq:

§ 10

Inatsisartut inatsisaat atortuulissaq ulloq 1. januar 2016.

*Isumaginninnermut, Ilaqutariinnut, Suliffeqarnermut Nunamullu Namminermut Naalakkersuisoqarfik, ulloq 6.
marts 2025*

Martha Abelsen(atsior.)
Naalakkersuisoqarfimmi Pisortaq

/ Mehdi Shams(atsior.)

[\[1\]](#) Inatsimmi allannguutit § 10.

[\[2\]](#) Inatsimmi allannguutit § 7 imm. 1. aamma § 7 imm. 4.

[\[3\]](#) Inatsimmi allannguutit § 5, imm. 1, § 5, imm. 3, § 5, imm. 5 aamma § 12.

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqtaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut